

GOJRI NEWS BULLETIN

18FEB 2025

1700 HRS

اوننگ گوجری نیوز بولیٹن 18 فروری 2025

یوہ آکاشوانی جموں نصرت تے محمد آصف تیں خبر سُنو۔

HEADLINES

- ۱۔ مرکزی وزیر داخلہ امت شاہ نے جموں کشمیر مانہ نواں جرائمی قوانین غی عمل آوری غو جائیزو لیو۔
- ۲۔ وزیر اعلیٰ عمر عبداللہ نے کہیو ہے جے جموں کشمیر حکومت ناں نوا جرائمی قوانین بارے جانکاری حاصل کرن غی متی لوڑ ہے۔
- ۳۔ جل شکتی محکمہ غا وزیر جاوید احمد رانا پانی غا پائیدار انتظام غی کاظر راجستھان مانہ منعقد ہون آلی کانفرنس مانہ شرکت کر رہیا ہیں۔
- ۴۔ شہری بستیاں بارے زمینی سروے غا کم غی شروعات جموں کشمیر غا ۴ بلدیاتی اداراں مانہ شروع ہو گئی ہے۔
- ۵۔ جموں کشمیر انتظامیہ نے مقامی بلدیاتی اداراں ناں مزید مضبوط بنان غی خاطر اوچی سطح غی اک کمیٹی تشکیل دتی ہے۔

HM CRIMINAL LAW

مرکزی وزیر داخلہ امت شاہ نے اج نوی دہلی مانہ اک اوچی سطح غی میٹنگ بلاغے جموں کشمیر مانہ جرائم ور روک لان بارے نواں جرائمی قوانین غی عمل آوری بارے جائیزو لیو ہے۔ یاد رہ جے اس میٹنگ مانہ جموں کشمیر گاو وزیر اعلیٰ عمر عبداللہ تے لیفٹیننٹ گورنر منوج سنہا نے وی شمولیت کی میٹنگ مانہ شمولیت کرن تیں بعد میڈیا غا نمائندہ سنگ گل کرتا واں وزیر اعلیٰ نے کہیو جے بھارتیہ نیای سہیتا بھاریہ ناگرک سرکشا سہیتا تے بھارتیہ سورکشا ادھنیم قوانین مسپت ثابت ویں گا اُن نے کہیو جے ان قوانین مانہ جے کدے کج معاملہ ور غور کرن غی لوڑ پئی تاں اس وروی گل بات کی جے گی جناب عبداللہ نے ان نوا قوانین غی جانکاری ناں عام کرن غی ضرورت ور وی زور دتو ہے میڈیا غا نمائنداں سنگ مزید گل کرتا واں وزیر اعلیٰ نے اس طرح کہیو۔

RANA WATER CONFERENCE

پانی غا پائیدار انتظام گی طرف ایک قدم گا طور ور وزیر برائے جل شکتی جاوید احمد رانا راجستھان مانہ ہون آلی دوجی آل انڈیا سٹیٹ منسٹرس کانفرن سمانہ شرکت کر رہیا ہیں۔ ۲ روزہ کانفرنس جس گو موسوع واٹر ویزن ۲۰۱۷ دا وے فاروڈ ہے وزارت جل شکتی غے زیر اہتمام منعقد کی جارہی ہے۔ اس کانفرنس غے دوران رانا جموں کشمیر مانہ پانی غی پالسی ور گل بات کریں غا جس مانہ پانی غی سپلائی ذخیرہ کرن غا انتظامات تے صاف پین گا پانی ور توجہ دتی جے غی اس تیں علاوہ جموں کشمیر حکومت گا وہ اقدامات وی نمایا کریں گا جھڑی زیر زمین پانی غی سطح نانہ بہتر بنان تے مربوط پانی غا انتظام نانہ فروغ دین واسطے کیا گیا ہیں۔

JAL JEEVAN MISSION

جموں کشمیر نے جل جیون مشن غے تحت دیہی گھراں مانہ صاف پانی فراہم کرن مانہ ایک اہم پیش رفت کی ہے ایک نمایا مثال گلگام غا لنکر پمبے گراں گی ہے جت ہُن پہلی واری پانی غی پائپ لائن لائی گئی ہے اس تیں پہلاں گراں گا لوک ہاتھ نال پمپ تیں پانی کڈیں تھا تے پانی غا ٹینکراں ور انحصار تھا۔ لیکن ہُن نہین ۱ سو ۷۸ اشاریہ ۸۶ لکھ روپیہ غی لاغت تیں قائم کیو گیو پانی غا فراہمی غا منصوبہ غے تحت پین غو پانی اس وقت ۲۳ سو تیں زیادہ منصوباں زیر تکمیل ہیں تے ات گا حکام دیہی بازنداں واسطے پین غا پانی غی حفاظت نانہ یقینی بنان واسطے پُر عزم ہے تے اس مانہ شفافیت کارکردگی تے برداری غی شمولیت ور خصوصی توجہ دتی جارہی ہے۔

BOARD RESTRUCTURE

جموں کشمیر حکومت نے اک نواں حکم نامہ غے تحت جموں کشمیر شیڈیول کاسٹ تے شیڈیول ٹرائیب تے سماج غا دوجا پچھڑیا طبقات غی ترقی بارے کارپوریشن گا بورڈ آف ڈائریکٹر ناں نوے سر تشکیل دتو ہے واضع رہ جے نوے سر تشکیل دتا گیا اس بورڈ غی صدارت سماجی پلائی بارے محکمہ غی وزیر کریں گی۔ جس مانہ بکھ بکھ محکمہ غا انتظامی سرکٹری وی شامل ویں غایاد رہ جے کارپوریشن غا مینیجنگ ڈائریکٹر غا طور ور کم کریں گا۔ دسیو گیو ہے کہ نوے سرے بورڈ تشکیل دین غو مقصد سماج غا پچھڑیا لوکاں غی ترقی ناں یقینی بنانو ہے۔

NAKSHA LAUNCH

مرکزی وزیر داخلہ شیوراج سنگھ چوہان نے اج مدیہ پردیش مانہہ شہری بستیاں بارے زمینی سروے کرن غا کم غو افتتاح کیو ہے واضع رہ جے اس سروے غے تحت ۶۲ ریاستاں تے ۳ مرکزی زیر انتظام علاقاں گی نشاندہی کی جے گی واضع رہ جے اس سلسلہ مانہہ جموں کشمیر غا بشناہ کترہ اونتی پورہ تے پٹن بلدیاتی اداراں گی ترقی غی خاطر مرکزی معاونت آلا کولے ۴۹۱ کروڑ پروگراماں غی وی شروعات کی گئی ہے زریعاں نے دسیو ہے جے اس پروگرام گو مقصد شہری بستیاں مانہہ زمین غا ریکارڈ مانہہ شفافیت لیانو ہے اس سلسلہ مانہہ بولتا واں مرکزی وزیر شیوراج سنگھ چوہان نے اس طرح کہیو۔

JK HIGH LEVEL COMMITTEE

جموں کشمیر انتظامیہ نے مقامی بدلیاتی اداراں ناں رقومات فراہم کرن غے نال نال ان اداراں گا کمکاج مانہہ پیش آرہی للکاراں گا نمیڑا غی خاطر اک اوچی سطح غی کمیٹی تشکیل دتی ہے جس غی سدارت چیف سیکرٹری نے کی میٹنگ مانہہ بکھ بکھ محکمہ غا انتظامی سیکرٹریاں تیں علاوہ جموں تے کشمیر مونسپل کارپوریشنناں گا کمشنر وی موجود تھو۔ اس میٹنگ غو مقصد مقامی بدلیاتی اداراں ناں مزید بہتر بنانو ہے۔ اس سلسلہ مانہہ کہر کھوٹھا تے شہری ترقی بارے محکمو ان اداراں ناں مضبوط بنان واسطے حمایت کرے غو۔ تے تمام معامللاں گا حل بارے یاہ کمیٹی ۱ ہفتہ تیں اندر اپنی رپوٹ پیش کرے گی۔

NDRF SCHOOL SAFETY

قدرتی آفات تیں نمڑن غی تیاری نانہہ بہتر بنان واسطے قومی ہنگامی امدادی فورس غی ۳۱ ویں بٹالین نے ضلع پونچھ مانہہ ۵۱ روزہ غو سکول مانہہ سکول مانہہ حفاظتی پروگرام گو آگاز کیو۔ اس پروگرام غو مقصد طلباں نانہہ آفات غا انتظام غا بارہ مانہہ آگاہی فراہم کرنو تھو۔ مہیم گورنمنٹ ڈگری کالج پونچھ مانہہ شروع ہوئی جت کالج غا پرنسپل جسبیر سنگھ وی موجود تھا۔ این دی آر ایف ٹیم نے معلوماتی سیشن منعقد کیا جس مانہہ بچاؤ غا طریقہ تے آفات تیں نمڑن گا طریقہ سکھایا گیا۔ اس دوران عملی تربیت وی دتی گئی جس مانہہ ابتدائی طبی امداد تے ہنگامی مشق شامل تھیں۔ اے ایس آئی وجے شرما نے اس پروگرام غا مقصد ور زور کھلتا واں کہیو کہ اس غو مقصد طلباں نانہہ آفات تیں متعلق حفاظت غا بارہ مانہہ دسنو تھو۔ آکاشوانی نال گل کرتا واں انہاں نے اس طرح کہیو۔

RUN FOR UNITY

بھارتیہ ریزرو پولیس یعنی آئی آر پی غی پہلی بٹالین غی طرفوں اج ریاسی ضلع مانہہ آپنی اتحاد بارے دوڈ یعنی رن فار یونٹی پروگرام منعقد کرایو۔ واضع رہ جے اس دوڑ غے دوران ریاسی مانہہ شہیداں غی قربانیاں ناں یاد کیو گیو اس دوڑ غی سربراہی کمانڈنگ افسر انیتاشرما نے کی واضع رہ جے ۵ کلو میٹر غی اس دوڑ مانہہ آئی آر پی غا جواناں تے افسران تیں علاوہ سیول لوکاں نے وی متی تعداد مانہہ حصو لیو۔ اس سلسلہ مانہہ بھارتیہ ریزرو پولیس غی کمانڈنگ افسر انیتاشرما نے اس طرح کہیو۔

PM MAN KI BAAT

وزیر اعظم نریندر مودی آئیندہ ۳۲ فروری ناں من غی بات پروگرام غے زریعے ملک تے ملک تیں باہر رین آلا بھارتیاں ناں اپنا خیالات سانجھ کریں گا۔ واضع رہ جے اس پروگرام غی ۱ سو ۹۱ ویں قسط وے گی اس سلسلہ مانہہ لوک مفت ٹیلی فون نمبر ۰۰۸۷۱۱۰۰۸۱ ور رابطو کر غے اپنا سنیا ٹور سکیں۔ اس تیں علاوہ لوک مائی گوو اوپن فورم غے زریعے وی آپن خیالات سانجھ کرسکیں۔ یاد رے جے من غی بات پروگرام آکاشوانی تے دور درشن تیں علاوہ نیوز آن اے آئی آر ور وی سُنیو جا سکے گو ہندی نشریات توں فوراً بعد یوہ پروگرام علاقائی زبانان مانہہ وی نشر کیو جے گو۔
